

〔續日本紀元四明〕和銅元年九月丙戌越後國言新建出羽郡許之

〔續日本紀元五明〕和銅五年九月己丑太政官議奏曰建國辟疆武功所貴設官撫民文教所崇其北海道蝦

狄遠憑阻險實縱狂心屢驚邊境自官軍雷擊凶賊霧消狄部晏然皇民無擾誠望便乘時機遂置一國式樹司宰永鎮百姓奏可之於是始置出羽國

〔續日本紀聖十五武〕天平十五年二月辛巳以佐渡國并越後國

〔續日本紀稱十八德〕天平勝寶四年十一月乙巳復置佐渡國

〔續日本紀文三武〕慶雲三年閏正月庚戌以從五位上猪名真人大村爲越後守

〔古京遺文〕小納言正五位下威奈卿墓誌銘并序

卿諱大村檜前五百野宮御宇天皇宣化之四世後岡本聖朝紫冠威奈鏡公之第三子也略中越後

疆衝接蝦虜柔懷鎮撫允屬其人同歲十一月十六日命卿除越後城司四年二月進爵正五位下卿

臨之以德澤扇之以仁風化洽刑清令行禁止所冀享茲景祐錫以長齡豈謂一朝遽成千古以慶雲

四年歲在丁未四月廿四日寢疾終於越城時年卅六略下

〔吾妻鏡三十七〕寬元四年六月十三日庚子入道越後守光時法名蓮智配流赴伊豆國越後國務以下所帶

之職收公之

〔越後名寄三十一雜章〕一越後國古昔賴朝卿知行九箇國之一也中頃新田義貞ノ一族里見鳥山之人々

領之其後足利公方義滿ヨリ上杉憲榮ニ賜リ貞治五丙午年ヨリ慶長三戊戌年迄凡二百五十一

年府内春日山ヲ居城トス同年三月景勝奥州會津若松へ所替也其時節年來昵近ナリシ寺院跡

ヲ慕ヒシニヤ餘多會津へ引移リ寺號住職ノ僧侶佛像經卷寶物等ニ至ル迄皆相携フ故ニ今米

澤ニ爰許同寺院ノ號猶略有之ト云リ

〔倭名類聚抄五國郡〕越後國府在頸城郡行程上二十四日下十七日